

**ҚАЗАҚ ХАНДЫҒЫНЫҢ 550 ЖЫЛДЫҒЫНА АРНАЛҒАН
«ҚАЗАҚ ХАНДЫҒЫ ТАРИХ ТОЛҚЫНЫНДА» АТТЫ
ХАЛЫҚАРАЛЫҚ ҒЫЛЫМИ КОНФЕРЕНЦИЯ**

2015 жылдың 19-20 мамыр күндері Алматы қаласы Ә.Х. Марғұлан атындағы Археология институтында Қазақ хандығының 550 жылдығына арналған «Қазақ хандығы тарих толқынында» атты халықаралық ғылыми конференция өтті. Конференция жұмысына аймақтық археологиялық орталықтар мен еліміздің ЖОО-ның зерттеушілері, алыс-жақын елдерден: Ресей, Өзбекстан, Украина, Азербайжанстан, Румыния, Венгрияның ғалымдары қатысты. 56 баяндама тыңдалды.

Конференция жұмысын Ә.Х. Марғұлан атындағы Археология институтының директоры, тарих ғылымдарының докторы, ҚР ҰҒА корреспондент-мүшесі Б.Ә. Байтанаев ашып, келген қонақтар мен конференцияға қатысушыларды құттықтады.

Одан кейінгі құттықтау сөзін сөйлеген ҚР ҰҒА академигі М.Х. Асылбеков өткізіліп отырған конференцияның маңыздылығына тоқтала келе, Қазақ хандығы бойынша жиналған деректердің әлі де жеткіліксіз екендігін айтты. Қазіргі Қазақстан жерінде ежелгі тайпалық одақтардың қалыптасуы, кейіннен халық болып Қазақ хандығының құрылуына алып келгендігіне кеңінен тоқталды.

Қалмақ Республикасы Үкіметі өкілі атынан сөйлеген т.ғ.д., профессор П.И. Кольцов құттықтау сөзінде Қазақстан археологиясының дамуына, сонымен қатар болашақта Қалмақ Республикасымен ынтымақтастық орнатып, жемісті жұмыс істеу туралы тілегін білдірді.

Қарақалпақстаннан келген т.ғ.д., профессор М.-Ш. Қыдырғиязов Қазақ хандығына арналған конференцияның басталуымен құттықтап, археологтардың жұмысына табыс тілеп, келешекте ынтымақтастықта жұмыс істеуге шақырды.

Құттықтау сөзінен кейін баяндамалар тыңдалды: Б.А. Байтанаев «Борьба казахских ханов за Присырдарьинские города»; К.М. Байпаков «Об этническом составе населения Казахского ханства»; Е.А. Смагулов «Туркестанский оазис средневековой городской культуры: новые открытия и старые заблуждения»; Д.А. Талеев «Сырдарияның сол жағалауындағы Қазақ хандығының қалалары»; К.М. Байпаков, Т.В. Савельева «О локализации городов Илийской долины XIII–XIV вв.»; А.О. Брагин, Б.А. Байтанаев «Находки монет амира Тимура и тимуридов в округе города Шымкент», М.Н. Сдыков «Средневековая городская культура и кочевая цивилизация бассейна реки Урал»; П.Н. Петров Б.А. Байтанаев «Находки монет Великой Монгольской империи и государства Чагатаидов в округе города Шымкент»;

П.М. Кольцов «Неолитические культурные образования северо-каспийской области»; М.Н. Дарагин «Пространственный анализ курганов степной зоны северного Причерноморья»; А.А. Хохлов, Е.П. Китов «Физический облик представителей ботайской энеолитической культуры в контексте проблемы формирования степного населения Казахстана»; А.М. Агаларзаде «Курганные погребения и каменные ящики эпохи поздней бронзы–раннего железа юго-восточного Азербайджана»; Хорват Вероника «Бронзовые предметы из Чипэу (Трансильвания): к вопросу исследования конского снаряжения Черногоровского типа»; М.С. Қасенов «Жангелді қорғандарындағы зерттеулер»; И.А. Кукушкин, А.И. Кукушкин «Некоторые итоги исследований могильника Танабай»; М.С. Уланов «Распространение буддизма в евразийском пространстве Центральной Азии (социо-культурные аспекты)»; В.А. Амелин «Некоторые аспекты изучения монументальных памятников ранних кочевников»; Н.Б. Щербаков, И.А. Шутелева, Ю.В. Лунькова, А.А. Гольева, К.А. Горшков, А.В. Никитин, М. Квинска «Экстраординарность погребальных комплексов контактной зоны срубной и андроновской общностей позднего бронзового века: феномен или устойчивая традиция?»; В.А. Подобед, А.Н. Усачук, В.В. Цимиданов «Сосуды с «крышками» в обрядах культур Центральной Азии эпохи поздней бронзы»; Пыслару Ион «Бронзолитейное производство

финальной фазы эпохи поздней бронзы и начала железного века»; Алтынбеков К., Александров В.А. «Реставрация как метод исследования археологических артефактов», т.б. қызықты баяндамалар оқылды.

Конференция қорытындысында қатысқан зерттеушілердің ұсынысымен Резолюция қабылданды.

**Қазақ хандығының 550 жылдығына арналған
«Қазақ хандығы тарих толқынында» атты халықаралық ғылыми конференция**

РЕЗОЛЮЦИЯСЫ

Құрметті әріптестер!

Сіздерді Қазақ хандығының 550 жылдығына арналған «Қазақ хандығы тарих толқынында» атты халықаралық ғылыми конференцияның аяқталуымен құттықтаймыз. Конференция жұмысына қатысқандардың барлығына ризашылығымызды білдіреміз.

Біз үшін бұл конференцияның орны ерекше, себебі Қазақстан халқы Қазақ хандығының құрылған уақытын алғаш рет атап өтуде.

Қатысушылар кең хронологиялық шеңберде өткен конференциядағы ғылыми баяндамалар жоғарғы деңгейде болғандығын айтты.

Конференция ұсыныстары:

- Археология бойынша маманданушы студенттер, магистранттар, докторанттар тартылған шығармашылық топтағы мемлекетаралық археологиялық экспедицияларды құру.
- Еуразияның қазіргі археологиясының өзекті мәселелері бойынша мемлекетаралық жобалар мен бағдарламаларды жасау.
- Ғылыми мақалалардың бірлескен тақырыптық жинағын ұйымдастыру, тақырыптық ғылыми семинарлар мен басқа да ғылыми қызметтердің интеграциялық формасын өткізу.
- Жаңа ғылыми әдебиеттер, оның ішінде оқулықтар, оқу құралдарының шыққандығы туралы археологтардың аймақ және мемлекетаралық қауымдастығына хабарлау.
- Зерттеу үдірісіне инновациялық технологияны кеңінен енгізу.
- Жас ғалымдарды, маман-археологтарды, магистранттарды, докторанттарды дайындау ісінде ЖОО-мен ынтымақтастық орнату.

Мықтыбаева Ж.Қ.